

43

| |
|------|
| 74 |
| 6288 |
| 21 |

74



大明集禮卷四十三

儀仗

按格物論。虎。山獸之君。狀如猫。而大如黃牛。黑文鈎爪鋸牙。兩脇及尾端皆有骨如乙字。長一二寸許。即其威也。橫行。安尾。吼聲如雷。百獸為之震恐。風從而生。豹毛赤黃色。其文黑。如錢而中空。比比相次。又有玄豹。猛健不減於虎。又按楚詞云。虎豹九關。注謂天門九重。虎豹守之。蓋假借以言其嚴密之至也。



水五味均平藏



天子清禁。上法紫宮。故門闕必陳虎豹者。所以象上帝之居也。**元**制每大朝會。則陳虎豹於日精月華門外。

國朝 正至

聖節朝會。及冊拜。接見蕃臣。則以虎二豹二各用闌檻承之。分左右陳于奉天門外。

虎



豹




馴象

按說文云象長鼻牙南與之大獸三歲一乳。又范至能志書云。象出交趾山谷間。有兩長牙。頭不可俯。頸不可回。口隱於頭。去地尚遠。運動以鼻為用。足如柱。無趾而有爪甲。形如栗。登山下峻坂。涉水甚捷。又晉輿服志云。武帝大康中。南越獻馴象。詔作大車駕之。以載黃門鼓。吹數十人。使越人騎之。正旦大會。駕象入庭。唐開元中。畜巨象於閑廐。供陳設。

儀仗。宋制鹵簿。象六。中道分左右。並木蓮花坐。金蕉盤。紫羅繡檐。絡腦。當腦。後鞞。並設銅鈴。杏葉紅。釐牛尾。拂跋塵。駕出則先導。朝會則充庭。

今制。每大朝會。以馴象六。分左右陳于奉天門外。



仗馬

漢長樂宮朝儀陳車騎於庭。唐有立仗馬。宋則以御馬十疋分左右陳于門外。元大朝會設仗馬於內仗之南。

今制以馬六疋鞍勒全。左右各三疋。陳于文武樓南。東西相向。



五輅

玉輅青質。玉飾諸末。金輅赤質。金飾諸末。象
 輅黃質。象飾諸末。革輅白質。鞅以革。木輅黑
 質。漆之無飾。按周官典輅掌王之五路。與輅
 大賓客則出路。注謂如漢朝集使上計法。則
 陳屬車於庭。然則國有大朝會而陳車輅者。
 自周而已然矣。漢每大朝會。必陳乘輿法物
 車輦於庭。謂之充庭車。唐天子嚮輅五等。屬
 車十二乘。行幸則分前後施於鹵簿之內。太

大明集禮

卷四十三


五

陳設則分左右施於儀仗之中。**宋**大朝會冊

命設五輅於大慶殿前。


國朝參酌前代五輅大朝會則陳於殿庭其
制度之詳並見車輅篇。

王輅




集禮卷四十六



金輅




集禮卷四三七




象輅




華輅




集禮卷四十三九



木輪





集禮卷四十三



皂纛


唐六典云後魏有纛頭。每天子行幸大軍征伐。則建於旗上。蓋即古旄頭之遺制也。旄頭者。按魏文帝列異傳曰。秦文公時。梓化為牛。以騎擊之。不勝。或墜地。鬣解髮散。牛畏之入水。故秦秦因此置旄頭騎。使先驅。宋天聖鹵簿圖云。纛即皂旗。其制黑質。黑火焰脚。揭以朱槍竿。竿首設纛。元則建纓於竿首而不設旗。今制用旄牛尾如巨斗大。建朱槍竿上。





大豹尾

通考載秦漢駕後一乘垂豹尾。崔豹曰。豹尾。周制。以象君子豹變。尾言謙也。古者軍正建之。唐宋皆有豹尾車。元有豹尾竿。今制以朱漆槍竿懸紅絲拂垂豹尾。



龍旗


周官司常掌九旗。有交龍為旂。覲禮曰：天子
 載大旂。升龍降龍。司馬法又曰：旗章周以龍
 尚文也。漢制龍旂九旂七仞。仞。尺也。古者以尺為仞。宋
 天聖鹵簿圖記有龍旗十二。
 今制因之。皆為青質黃欄赤火焰間綵脚。繪
 金龍于中。揭以朱漆槍竿。飾以纓。


北斗旗

禮記曲禮招搖在上。急繕音勁其怒。鄭氏註。招搖星在北斗杓端。主指者。畫招搖星於旌旗上。以起勁軍之威怒。象天帝也。疏曰。並作七星。而獨云招搖者。舉指者為主也。穆天子傳。建日月七星旗。蓋畫北斗七星也。**宋**有北斗旗一。

元制。北斗旗。黑質。赤火焰。脚畫七星。


今制。黑質。黑火焰。間綵脚。中塗金為七星像。





門旗

周禮天官掌舍職曰。惟宮設旌門。春官司常
 職曰。會同賓客置旌門。至漢謂之牙旗。故唐
 鹵簿內大戟隊後置牙門一。次牙門左右廂
 各開五門。宋制牙門旗赤質錯絲為神人像。
 元制四旗赤質赤火焰脚繪神人冠武士冠
 鎧甲。襖襠束帶大口袴執戈戟。
 今制門旗四。皆赤質黃欄赤火焰間絲脚中
 塗金為門字。揭以朱漆槍竿。




日旗月旗

周官司常掌九旗之物名。其一曰。日月為常。
 左氏曰。三辰旂旗。昭其明也。按揚子大玄經
 曰。日以煜乎晝。月以煜乎夜。登日月於旗。以
 象天也。宋太祖始置日月旗各一。天聖鹵簿
 圖。日旗赤質。畫日中以雞。月旗青質。畫月中
 以兔。元制日旗一。青質。赤火焰脚。繪日于上
 月旗一。青質。赤火焰脚。繪月于上。

今制日旗月旗各一。俱青質。黃欄。赤火焰間

綵脚。繪日以赤。繪月以白。



青龍。白虎。朱雀。玄武旗。

曲禮行前朱雀而後玄武。左青龍而右白虎。義疏曰。四者四方宿名也。蓋古者君行師後。故畫此四者於旌旗。以為前後左右之兵陳也。



也。唐制四旗在鹵簿中。宋朱雀旗。赤質。赤火



焰脚。繪朱雀。玄武旗。黑質。黑火焰脚。繪龜蛇。

青龍旗。青質。赤火焰脚。繪蹲龍。白虎旗。白質。

赤火焰脚。繪蹲虎。元同宋制。

今制與宋同。





大明集禮



卷四十三



十一

風。雲。雷。雨。旗。

按韓子曰。黃帝合鬼神於泰山。風伯進掃。雨師洒路。至宋御殿儀仗。制風伯。雨師。雷公。電母。旗各一。以錯繡為之。元因之。制風雨雷電四旗。旗皆青質。俱畫神人。狀各詭異。

制旗四。曰風。雲。雷。雨。去電不設。旗皆青質。黃欄。赤火焰。間絲脚。風畫箕星。雨畫畢星。雲畫雲氣。雷畫雷文。






八
明
骨
樓

卷
四
三


三

四瀆旗

按爾雅曰。江河淮濟為四瀆者。發源注海者也。白虎通曰。謂之瀆者何。瀆者濁也。中國垢濁發源東注于海。其功著大。故稱瀆也。制四旗。江瀆旗。赤管。青火焰脚。繪神人冠七梁冠。青欄朱袍。跨赤龍。河瀆旗。黑管。赤火焰脚。繪神人冠七梁冠。皂欄黃袍。跨青龍。淮瀆旗。素管。赤火焰脚。繪神人冠七梁冠。皂欄素袍。乘青鯉。濟瀆旗。青管。赤火焰脚。繪神人冠七梁

冠。皂欄青袍。乘一鼈。


制。江旗赤質。河旗白質。淮旗青質。濟旗黑質。俱黃欄赤火。間綵脚。中繪水形。



五嶽旗

按鄭康成禮註。五嶽。東曰岱宗。南曰衡山。西曰華山。北曰恒山。中曰嵩高山。**宋**東嶽旗。青質。赤火焰脚。繪神人冠七梁冠。皂欄。青袍。黃裳。白中單。素蔽膝。執圭。南嶽旗。赤質。赤火焰脚。繪神人冠七梁冠。黑欄。緋袍。黃裳。黃中單。朱蔽膝。執圭。中嶽旗。黃質。赤火焰脚。繪神人冠七梁冠。皂欄。黃袍。黃裳。白中單。朱蔽膝。執圭。西嶽旗。白質。赤火焰脚。繪神人冠七梁冠。青欄。白袍。黃裳。白中單。素蔽膝。執圭。北嶽旗。黑質。赤火焰脚。繪神人冠七梁冠。紅欄。皂袍。黃裳。白中單。素蔽膝。執圭。**元**因**宋**制。惟神人裳色不同。

今制。東嶽旗。青質。南嶽旗。赤質。中嶽旗。黃質。西嶽旗。白質。北嶽旗。黑質。俱黃欄。赤火焰間。絲脚。中繪山形。




五星旗

按考靈耀曰。歲星。木精。熒惑。火精。鎮星。土精。太白。金精。辰星。水精。宇文周太常旗。畫日月五星。宋制五旗。俱青質。黃欄。赤火焰脚。各繪神人。服隨方色。元制五旗。金星旗。素質。赤火焰脚。畫神人冠五梁冠。素衣。皂欄。朱裳。秉圭。水星旗。黑質。赤火焰脚。畫神人冠五梁冠。皂衣。皂欄。綠裳。秉圭。木星旗。青質。赤火焰脚。畫神人冠五梁冠。青衣。皂欄。朱裳。秉圭。火星旗。

赤質。青火焰脚。畫神人冠。五梁冠。朱衣皂襪。
 綠裳。秉圭。土星旗。黃質。赤火焰脚。畫神人冠。
 五梁冠。黃衣皂襪。綠裳。秉圭。


制木星旗。青質。火星旗。赤質。土星旗。黃質。
 金星旗。白質。水星旗。黑質。俱黃襪。赤火焰脚。
 綵脚。中以金塗。星形一。




天祿旗

按顧野王符瑞圖曰。天鹿者純靈之獸也。五色。光耀洞明。一角。長尾。宋制天鹿旗赤質黃欄。青火焰脚。中繪天鹿獸。白身。綠尾。一角白。

今制與宋同。




Blank columns on the left page, likely for additional text or commentary.



天馬旗

按前漢禮樂志。天馬騾。龍之媒。武帝元狩四年。馬生渥洼水中。作天馬歌。宋制天馬旗。赤質黃欄。赤火焰脚。中繪馬形。兩肉翼。


今制與宋同



白澤旗

按顧野王符瑞圖曰。澤獸者。一名白澤。能言
 語。達萬物之精神。王者明照幽遠。則至。
 巡狩至於東海。澤獸出言。以戒于民。為時除
 害。唐六典武庫令。有白澤旗。宋制旗二。赤質。
 繪白澤形。龍首。綠髮。載角。四足。為飛走狀。元
 制。赤質。黃欄。赤火焰脚。繪獸虎首。朱髮。而有
 角。龍身。

宋制同宋。





熊旗 羆旗

按格物論云。熊大似豕而性輕健。山居能攀緣上高樹。見人則顛倒投地而下。羆似熊。黃白紋。長頭高脚。猛憨多力。又按周禮冬官。斡人云。熊旗六游。以象伐也。注。熊虎為旗。師都之所建也。伐星屬白虎宿。與參連體六星。因制熊旗。唐有赤熊旗。宋有黃熊旗。皆未制羆旗。

制熊羆旗各一。赤質黃欄。赤火焰間綵脚。

熊旗繪熊。熊旗繪熊。






鸞旗

按顧野王符瑞圖曰。鸞鳥者。赤神之精。鳳凰之佐也。其狀如翟而五采。鳴中五音。人君進退有度。親踈有序。則至。漢有鸞旗。師古注曰。鸞旗。編以羽毛。列繫幢傍。載於車上。唐亦有鸞旗。宋制鸞旗二。赤質。青火焰脚。繪鸞形。元因宋制。

今制赤質。黃欄。赤火焰間綵脚。餘同。



麟旗


按顧野王符瑞圖曰。麒麟獸也。亦曰木之精也。毛虫三百六十有六。而麟為之長。其狀麋身。羊頭。牛尾。一角。角端有肉。音中律呂。步中規矩。不踐生虫。不折生草。不食不義。不飲汚池。

開元禮義羅曰。高祖時麟見苑囿。改元麟德。制麟旗。

麟旗二。赤質。青火焰脚。中圖麟形。

元與宋同。

今制赤質。黃欄。赤火焰間。綵脚。繪麟于上。




角宿旗

按史記天官書曰。東宮蒼龍大角者。天王帝
 廷。晉書天文志曰。角二星。主造化萬物。布君
 之威信。謂之天闕。其間。天門也。其內。天廷也。
 故黃道經其中。七曜之所行也。宋角宿旗。青
 質。赤火焰。脚。畫神人。為女子形。露髮。朱袍。黑
 欄。立雲氣中。持蓮荷。元制。青質。青火焰。脚。繪
 二星。下繪蛟。


今制。青質。黃欄。赤火焰。間絲脚。中塗金。為角

宿二。



亢宿旗

按史記天官書曰亢為䟽廟。晉書天文志曰。亢四星。天子之內朝。宋亢星旗。青質赤火焰。脚畫神人。冠五梁冠。朱袍皂襪。皂帶黃裳。持黑等子。元制青質黃襪。赤火焰。間綠脚。中塗金為亢宿四。




氏宿旗

按史記天官書曰。氏為天根。**晉**書天文志曰。氏四星。王者之宿宮。后妃之府也。**宋**氏宿旗。青質。赤火焰脚。畫神人冠小冠。衣金甲。朱衣。包肚。朱擁項。白袴。右手仗劍。乘一鼈。**元**制青質。青火焰脚。繪四星。下繪貉。**合**制青質。黃欄。赤火焰間綵脚。中塗金為氏宿四。

大明集禮

卷四十三


三十六



房宿星


按史記天官書曰。房為天駟。**晉書**天文志曰。房四星為明堂。天子布政之宮也。**宋**房宿旗。青質。赤火焰脚。畫神人。烏巾。白中單。碧袍。黑襪。朱菽膝。白帶。黃裙。朱舄。右手仗劍。**元**制。青質。青火焰脚。繪四星。下繪兔。

今制。青質。黃襪。赤火焰脚。間絲脚。中塗金為房宿六。



心宿旗


按史記天官書曰。心為明堂大星。天王前後
 子屬不欲直。**晉書**天文志曰。心三星。天王正
 位也。**宋**心宿旗。青質。赤火焰。脚。畫神人冠五
 梁冠。朱袍皂襪。左手持杖。**元**制。青質。青火焰
 脚。繪三星。下繪狐。
今制。青質。黃襪。赤火焰。間綵脚。中塗金為心
 宿三。



尾宿旗


按史記天官書曰。尾為九。子曰君臣。**晉**書天文志曰。尾九星。後宮之場。旁一星名曰神宮。解衣之內室。**宋**尾宿旗。青質赤火焰。脚畫神人。冠束髮冠。素中單。黃袍。朱裳。青帶。纁裳。赤舄。右手仗劍。左手持牙。**元**制青質。青火焰。脚上繪九星。下繪虎。

今制青質。黃襴。赤火焰。間綵脚。中塗金為尾宿九。又神宮小星一在旁。




箕宿旗

按史記天官書曰。箕為教客。天文志曰。箕四星亦為後宮后妃之府。亦曰天津。一曰天箕。主八風。箕宿旗。青質。赤火焰脚。畫神人冠。金梁冠。衣淺朱袍。皂襪。仗劍。乘白馬於火中。元制。青質。青火焰脚。繪四星。下繪豹。今制。青質。黃襪。赤火焰脚。中塗金為箕宿四。



斗宿旗


按史記天官書曰北宮玄武南斗為廟。晉書天文志南斗六星為丞相太宰之位酌量政事之宜。褒進賢良稟授爵祿。宋斗宿旗青質赤火焰脚。畫神人被髮黃腰裙朱帶。右手持杖。元制黑質黑火焰脚。上繪六星。下繪。今制青質黃欄赤火焰脚。中塗金為斗宿六。



牛宿旗

按史記天官書曰牽牛為犧牲。晉天文志曰牽牛六星天之關梁。星明大則王道昌。宋牛宿旗青質赤火焰脚。畫神人牛首皂襪紅袍黃裳朱舄。立雲氣中。元制黑質黑火焰脚。上繪六星。下繪牛。


今制青質黃襪赤火焰間綵脚。中塗金為牛宿六。



女宿旗


按晉書天文志。須女。四星。天少府也。謂之須女者。須。賤妾之稱。婦織之卑者也。主布帛裁製嫁娶。星明天下豐。女功昌。宋女宿旗。青質。赤火焰。脚。畫神人。烏牛首。衣朱服。皂襪。素帶。烏鞞。右手持蓮。立雲氣中。元制。黑質。黑火焰。脚。上繪四星。下繪龜。

今制。青質。黃欄。赤火焰。間綵脚。中塗金。為女宿四。



虛宿旗

按晉天文志曰。虛二星。冢宰之官也。主色居
 廟堂祭祀祝禱之事。明靜則天下安。宋虛宿
 旗。青質。赤火焰脚。畫神人。被髮裸形。坐於甕
 中。左手持一珠。元制黑質。黑火焰脚。上繪二
 星。下繪鼠。
 今制青質。黃欄。赤火焰間。綵脚。中塗金為虛
 宿二。



危宿旗

按史記天官書曰。危為蓋屋。晉天文志曰。危三星。主天府。天市。架屋。甘氏云。為天市廟堂。


宋危宿旗青質。赤火焰脚。畫神人。虎首。金甲。

衣朱服。貔皮汗膊。青帶。藍包肚。烏鞞。右手仗

劍。立雲氣中。元制黑質。黑火焰脚。上繪三星。


下繪燕。

今制青質。黃欄。赤火焰間綵脚。中塗金為危宿三。又墳墓四小星在旁。



室宿旗


詩定之方中。注曰定營室星也。史記天官書曰。營室為清廟。亦曰離宮。晉天文志。營室二星。天子之宮也。為軍糧之府。及土功事。宋室宿旗。青質赤火焰。脚畫神人。丫髮朱服。乘舟水中。元制。黑質黑火焰。脚上繪二星。下繪猪。今制。青質黃欄。赤火焰。脚間綵脚。中塗金為室宿二。又離宮六星在旁。



壁宿旗

按晉天文志曰東壁二星主文章天下圖書
 祕府也。星明王者興道術行國多君子。宋壁
 宿旗青質赤火焰脚繪神人為女子形丫髮
 朱服皂襪綠帶黃裳烏舄左手指前右手指
 仗。立雲中。元制黑質黑火焰脚上繪二星下
 繪偷。


今制青質黃襪赤火焰間綠脚中塗金為壁
 宿二。



奎宿旗

按史記天官書奎曰封豕為溝瀆。晉天文志曰奎十六星天之武庫。一曰封豕主禁暴。朱奎宿旗青質赤火焰脚繪神人狼首朱服金甲綠包肚白汗膊黑帶烏鞞右手仗劍。元制素質素火焰脚上繪十六星下繪狼。

今制青質黃欄赤火焰間綠脚中塗金為奎宿十六。




婁宿旗

三才圖會

按史記天官書曰。婁為聚眾。**晉**天文志曰。婁三星。為天獄。主苑牧犧牲。供給郊祀。亦為與兵聚眾。**宋**婁宿旗。青質赤火焰脚。繪神人載金梁冠。素中單。淺黑袍。皂欄。朱救膝。青帶。黃裳。朱舄。左手持烏牛角。右手仗劍。**元**制。素質。素火焰脚。上繪三星。下繪狗。

金制。青質。黃欄。赤火焰間。綵脚。中塗金為婁宿三。



胃宿旗


按史記天官書曰。胃為天倉。**晉**天文志曰。胃三星。天之厨藏。五穀之倉也。又名大梁。明則四時和平。天下晏然。倉廩實。**宋**胃宿旗。青質。赤火焰。脚繪神人。丫髮披豹皮。淺紅裙。青帶。跣足。左手指前。右手仗劍。立雲氣中。**元**制。素質。素火焰。脚上繪三星。下繪雉。

今制。青質。黃欄。赤火焰。間綵脚。中塗金為胃宿三。


昴宿旗

按史記天官書曰昴名旄頭曾天文志曰昴七星天之耳目也主西方獄事又為旄頭胡星也甘氏云昴星明大則君無佞臣天下安和張衡云昴星明獄訟平宋昴宿旗青質赤火焰繪神人牛首朱服皂欄黃裳青帶朱舄左手拳右手持青如意元制素質素火焰脚上繪七星下繪雞

今制青質黃欄赤火焰間綵脚中塗金為昴



宿七。




畢宿旗

按爾雅曰。濁謂之畢。郭璞注曰。掩兔之畢。或呼為濁。因星形以名也。晉天文志曰。畢八星。主邊兵。主弋獵。星明大。則遠夷來貢。天下安。甘氏云。畢主街巷陰雨。天之雨師也。宋畢宿旗。青質。赤火焰脚。繪神人。作鬼形。著朱袂。持黑杖。乘馬。行雲氣中。元制。素質。素火焰脚。上繪八星。下繪鳥。

今制。青質。黃欄。赤火焰。間綵脚。中塗金為畢。

宿八。附耳一星在旁。



紫宿星

按史記天官書曰。三小星隅置曰紫觶。為虎

首。主葆旅事。

晉灼曰。葆。菜也。野生曰旅。張衡云。葆。旅。野。主。之。可。食。者。



志云。紫觶為三軍之候。行軍之藏府。主葆旅。

收斂萬物。明則軍儲盈。將得勢。


質。赤火焰脚。繪神人。冠緇布冠。朱服。皂襪。黃

裳。拱手坐雲氣中。

三星。下繪猴。

制青質。黃襪。赤火焰間綵脚。中塗金為紫


宿三。



參宿旗

按前漢天文志曰參為白虎甘氏曰參為忠良孝謹之子明大則臣忠子孝一曰參伐一曰大辰一曰天市一曰鈇鉞主斬刈又為天獄主殺伐又主權衡所以平理也宋參宿旗青質赤火焰脚繪神人被髮衣紫欄黃袍綠裳青帶朱舄左手拍空右手持珠椎立雲氣中元制素質素火焰脚上繪十星下繪猿今制青質黃欄赤火焰間絲脚中塗金為參

宿十。又玉井四小星在左足下。



井宿旗

按漢天文志曰。南宮朱鳥東井為水事。晉天

文志曰。東井八星。天之南門。黃道所經。天之

亭候。主水衡事。法令之所取平也。王者用法

平。則井星明而端列。鉞一星附井之前。宋井


宿旗。青質。赤火焰。脚繪神人。丫髮。朱袍。皂欄。

坐雲氣中。右手持紅蓮。元制。赤質。赤火焰。脚

上繪八星。下繪犴

今制。青質。黃欄。赤火焰。間綵。脚中塗金。為井


宿八。又鉞一星在旁。



鬼宿旗


按史記天官書曰。輿鬼主祀事。晉天文志曰。鬼五星。天目也。主視明察奸謀。星明大則穀成。宋鬼宿旗。青質。赤火焰。脚繪神人作女子形。首飾金釵。朱袍皂欄。青帶。黃裳。烏舄。左手持杖。立雲氣中。元制。赤質。赤火焰。脚上繪五星。下繪羊。

今制。青質。黃欄。赤火焰。間綵脚。中塗金。為鬼宿五。



柳宿旗

按張衡云。柳為朱雀之喙。天之厨宰也。主尚
 食和滋味。**隋志**云。又主雷雨。樂計圖澄曰。柳
 主材木。**宋**柳宿旗。青質。赤火焰脚。繪神人作
 女子形。露髻。朱衣。黑襪。黃裳。皂舄。撫一青龍。
元制。赤質。赤火焰脚。上繪八星。下繪麀。
今制。青質。黃襪。赤火焰脚。中塗金為柳
 宿八。




星宿旗

按甘氏曰。星。七星。主后妃御女之位。亦為賢士。明大則道化成國盛。又張衡云。七星為朱鳥之頸。一名天都。主衣裳文繡。**隋志**云。星明則王道昌。**宋**星宿旗。青質赤火焰脚。繪神人冠五梁冠。淺朱袍。綠欄。青帶。黃裳。朱鳥。立雲氣中。兩手各持金銅絲二條。**元**制赤質赤火焰脚。上繪七星。下繪馬。


制青質黃欄赤火焰間綠脚。中塗金為星

宿七。



張宿旗


按甘氏云。張宿主天廟明堂御史之位。若朔大則國盛強。隋志云。主珎寶宗廟所用及衣服。又主天厨飲食賞賚之事。星明則王者行五禮得天之中。宋張宿旗。青質赤火焰脚繪神人。衣豹皮。朱帶。素鞞。右手仗劍。坐雲氣中。元制赤質。赤火焰脚上繪六星。下繪鹿。今制青質。黃欄。赤火焰脚。中塗金為張宿六。



翼宿旗

按史記天官書曰。翼為羽翮。主遠客。**隋志**云。翼為天之樂府。主俳倡戲樂。又主夷狄遠客。負海之賓。明大則禮樂興。四夷來賓。動則蠻夷使來。**宋**翼宿旗。青質。赤火焰。脚繪神人。作女子形。首飾金釵。假髻。白中單。皂袍。碧欄。赤蔽膝。紫裳。赤舄。左手指前。右手仗劍。立於火中。**元**制。赤質。赤火焰。脚上繪二十二星。下繪蛇。**今**制。青質。黃欄。赤火焰。脚中塗金。為

翼宿二十二。




軫宿旗

按史記天官書曰。軫為車。主風。張衡云。軫為
冢宰輔臣。主車騎。明大則車騎用。隋志云。主
任載。明則車駕備。轄星附軫兩旁。主王侯。左
轄為王者同姓。右轄為異姓。長沙一星在軫
之中。宋軫宿旗。青質。赤火焰。脚繪神人。作文
子形。金釵。假髻。朱袍。皂欄。青帶。黃裳。赤舄。左
手持書。立雲氣中。

今制。青質。黃欄。赤火焰。間綵脚。中塗金為軫。

宿四。長沙一星在中。左右轄二星在旁。



大明集禮卷四十三

大明集禮

卷四十三

三

